

時政有闕。百官有過。當陳糾劾。其盜劫訟已經鎮守留守憲司方得勘行。若抑魯苛刻。在內者亦許勾勘。吏科繳駁之任。如見吏部銓序非才。則論駁封還刑科亦繳駁之任。如見刑部審讞不公。亦論駁封還提領職掌整理畿內橋梁道路。開渠決水。救火防奸。其勘問詞訟止許盜劫鬪毆等事。違者許臺諫官糾劾。府尹乃彈壓之官。如見權勢貴家不等人員。驕縱遊俠。弗遵法制。許得彈糾懲治。其勘問詞訟合遵隨決奉行。鎮守留守職專擒制盜劫。防禦奸非。當保安方民。不得擅制非例職名。肆爲民擾。其勘問盜賊訟事尤當加意詳審。憲司職掌如見本處災異水旱一體陳言。承司府縣貪墨違法。鎮守留守不禁奸非。並許彈劾糾奏。又巡行屬內廉訪病苦。及縣官備員盜刦干憑。並于歲季謹啓論行。並查勘權勢脅捉諸訟。與覆告盜刦訟事。承司膺方面之重寄。如見所屬官司政事均平。應保舉。有不如法者糾舉。某衙門缺員。任限一月內與憲司公同備員。吏部擇銓毋得稽留。其本處諸訟事當隨次審慎鞠問。使獄訟至此而止。郡守民之師帥。如見屬內縣官有政績稱職者。備呈二司保舉。不職亦許備員糾舉。至若勘驗人命。見若佯馳請不移時。當卽速親行到處。與縣官公同看驗。不可牽遲。其諸訟應隨次勘行。如有經縣官教誡發落。而猶翻覆者。當以善辭曉解。使之息訟。其奉祭各神祠務在恭敬豐潔。不得生事擾民。縣令親民之官。當存心撫字勸課農桑。興便除害。留意教化。使仁讓風行。告訐俗易。務以簡息詞訟。寫事間有某人爭忿小事致訟者。宜一切教戒驅回。不得勾担禮錢致生訟端。至若戶婚田土人命與社民以多抑寡。以強凌弱。諸大訟勢不容已。方得勘行。其義婦孝子宜轉達旌表。以厚風俗。或縣內某社有盜刦竊發。任他投告。該衙門別寫單憑一張。納在衙門。轉呈憲司。以備課法。凡內外各衙門官。如見本吏有奉公守法廉勤練達。年月積累無過。

## 卷十五 官職誌

庶司職掌之殊

卅二

犯者保舉。有貪冗規財。怠謾廢事。多有過犯者。糾劾斥去。以懲奸猾。  
德元二年定六部三司職掌事例。

吏部掌官爵封賜銓選考課黜陟之政。填充補給之事。

戶部掌土地人民倉庫錢糧調發之政。祿食貢賦鹽鐵之事。

禮部掌禮儀祠祭慶宴學校科舉之政。衣冠印符章表貢使朝觀之節。兼統司天醫卜及僧道教坊同文雅樂之屬。

兵部掌兵戎禁衛軍馬儀仗器械之政。邊夷鎮戍驛庸險夷緊急之事。

刑部掌律令刑法按覆獄訟之政。政治五刑之罪。

工部掌城池橋梁道路土木工匠之政。繕修營造之事。山林園苑川澤之禁。

外仁都總兵使司。總邊兵控禦要衝。擒制盜刦。

承政使司掌一方軍民詞訟戶口之數。

憲察使司兼陳言廉訪糾劾勘理審讞會同刷驗巡行等事。

顯宗景興十二年校定百官職掌。自兵興以來法紀稍寬。內外諸司閒忽廢弛。至是明王以海內向平。命汝廷瓊參酌先朝典例。申明庶職。凡百司職掌。政府大臣以掌府署府冠武階爲五府參從官。冠文階爲府僚。並宰相之仁次陪從。權府同議政事。其屬爲添差隨差屬。隨勘問亦用文武爲之。惟文官知六番隨文書。近臣爲內差小詞。與出納命令外以六部綜六番之大綱。六科彈六部之違例。六寺卿各守其職。御史臺綱維十三道。與畿內提領府尹諸司提刑監察隸焉。外設鎮承憲鎮司擒

制承司表率。府州縣憲司彈壓。鎮承府縣校官吏非法及權貴強豪。並統於臺宗人府國子監經筵史館翰林東閣司禮司天令史各有所掌。皆申飭舊制頒示內外。百司遵行。不敢違越。五府預掌府署府府僚預參從諸大臣職掌。

第一條正君心。當陳善閉邪。獻可替否。如見非心一萌。卽隨事規諷。俾歸於正。間有某事曲徇陳請。而於理有未穩者。亦得再三陳辦。

第二條簡官僚。應於內外諸司。各照才德行誼與當官功績以爲高下繁簡之差。其廉幹勇略有可取者。優加進拔。如隊換奇。外換內。換繁之類。其尋常凡猥無異狀者。仍留儲蓄。或奇換隊內。換外。繁換簡。與閒局無職掌之類。

其貪墨奸冗顯有寔狀者。應照先朝舊例嚴加貶黜。永不復叙。其未經試用者。應審其儀狀術業與言語舉止。請計差行。以觀事效。其夤緣陳請營求。雖奉付下差除。亦應反覆辨論。條其不可。仍以事宣布內外。再加貶黜。以至六番勾稽密事付內選。亦皆推此甄別。又所在官司多有別立名色。應照舊例。凡各處通縣巡

這條國朝中興初有準定

縣看守執券與通出偵探總目屯長。一切非例職名。並應停罷。若狃舊擾民。並從重論。

第三條議民政。應審照民間徵收催捉煩擾事情。量寬調役。其經被彫殘。奉得撫集各社民。亦應頒布條例。付招集官奉行。并於各處荒田。從前別社人出力開墾者。照今見回民社目丁數多少。議定年限。以息爭端。

第四條審戎機。如有邊報。應審量賊勢地形。某道可先料理者。卽精擇統督參謀及先鋒後道。以定軍數。凡兵資需用各項。並要一齊准備。俾差撥得敷。免致牽延往復。以敏戎功。又舊例各處鎮兵。惟

卷十五 官職誌

庶司職掌之殊

卅四

又安控禦見兵頗多。其餘每鎮不過一二奇隊。巡防分撥勢所不敷。茲應審量地勢民情。其某處分可加多者。卽加差屬鎮官兵。以備差撥便控禦。又照所近地方。某處田猶留荒。與從前籍沒諸逆田。如銀茄寧舍之類。餘以類推。許鎮官類計。內照鎮官若干。量給耕牛田器。任各出力開墾。並要數年之後。諸鎮各有儲蓄。以供軍糧。裕國計。其各處鎮牧官司。與地方豪長員目。率多藉以事故。調民爲兵徵。催調發大爲民弊。應申律條。諸無有奉旨。而事已停罷。不得擅調兵民集伍隊。違者重論以肅軍政。

第五條制國用。當議各處。凡舊產金銀鉛鐵硝硫礦。卽今世所開作者。應各擇員募作。仍議立年限。聽各期告成量補稅例。又鹽戶桂戶銅戶亦各照舊例置監當官。每戶京官二員。見仁地方官一員。其徵收條例。應隨宜沿革務在易行。其宣興道鹽銅戶。可隨宣興鎮官。清又道鹽銅戶。可隨清又鎮官。仍於經略之期。聽於已隨地方許各貿易。有無其所得見貨付在伊道官量補稅例。以順商賈合事宜。其各巡司與各縣內圍子民。并各跡徵收租調。各隨民物稠耗。商賈通閉。准定每年轉納條例。每巡商買通者千萬貫。耗者拖欠不過干千貫。不得任意多少。其轉納期。仍各修啓納在公庫。用本跡印。印鈴行數之上。又計請置總監官。并爲差屬吏照掌其事。其舊例係在戶番收發者。仍委戶番奉行以充用度。其各跡徵收。并充補各衙門內吏加進以及諸稅額錢納在總監官別貯。以供非時之需。卽有奉旨給發若干。亦付出公店編抄。送發督監官。仍修寫啓簿一本。一本留在本跡。一本納在公店。不得擅便自申。待歲季併收發各跡。再修寫啓簿投納。留爲跡俾知出入之數。以憑料理。其責併與贖罰錢。累年差收。責無所得者。應一切蠲免。以省弊端寬民患。

第六條申訟例。凡訟已經御史勘斷不能自省再鳴入府堂者。仍公論查見合情理者應休以免雷同翻覆。若情理有切害。許供端重刑一一留照。凡諸供端聽視加前論一等。如前次論定准徒流供死。前次論罰杖供徒流之類。方可標字待令。仍委權府陪從官覆問其理曲而妄鳴。卽公同審覆照依供內論行。若理直而前次各衙門所斷失當者。如有受賂寔贓。按法論行。有偏爲親義畏避權勢用情者。以貶罰論使理自此而止。其訟人越次妄鳴在府堂。并寄越啓入內者。應罰古錢二十貫。某員受越寄啓陳乞付責者。應罰古錢五十貫。這條依陽和十五年并議定待令勘斷編傳請旨日限以免淹留。其大臣文武及所該諸權貴親近與地方豪長員目并所在屯禦攻討官無有衙門職掌而妄受奸人投告。設立衙門勾勘抑脅良民錢財與妄行請託外許憲司內許御史責問輕者罰每訟古錢五十貫重則停罷該官職長其地方豪長員目以徒留處贖論。這條參酌中興初准定其諸訟論跡已請得旨付許守案修寫乞付下封子啓二本一本釘在案集一本納在公店付奉守密事留爲跡歲季備計斷過干案送御史吏部吏科各衙門抄議各員論跡。每有保舉銓授准照前項論跡以憑審量其上項所罰越鳴及受寄陳鳴與某員名妄受勾勘贖罰錢許付下卽刻差收以嚴法禁并准定查案送案期日以防擅便隱沒又內外勘官論案多有情輕小節因備勾論罰論差取收或事在人而責及全社或犯人貧苦而連及宗親亦有收不得者從而類糾後次差收愈加損費其間贓錢奉進納者僅得一二而外錢動以十倍嗣後係諸訟人當罰其有官職者方聽照舊論罰其無職色與民庶從輕重按律論杖有差。

這條依保泰十年准定其餘所論贖罰應議定

各衙免致稽久。

卷十五 官職誌

庶職掌之殊

卷六

第七條會計定丁田應令六番各照本官舊例額與見今某社經奉增減稅額抄爲二本一本留在本番一本納在公店付奉守密事留爲跡番簿用本番印公店簿用五府府僚印並印在私民丁田簿之上今後如有登耗增減並將責比端的方得改正再用印如法卽有舛謬瞞巧事情致有發覺者責係某官某吏並從重論以釐弊習昭正體

第八條正賞罰應審有司當官貪否寔跡當賞者從公計不以疎晚遐遠忽當罰者按法論行不以炎赫機辨免其諸道攻討屯禦諸員其間賊勢之滋殺方民之寧否以爲功過等第其所報捷及方民鳴訴事情亦應以此參酌務在考覈得寔仍備人計議候旨黜陟其有奉賞被論諸人前後已當而再審飭陳鳴者一切計付仍隨事情輕重加賞罰雖有某啓內請付出而照責無別情理並得封還以昭國憲

第九條信法令嗣今頒布條例應下內外諸職司一體凜遵毋得違越其或有某緣法作弊應照事情重輕嚴加黜罰傳政令之施信如四時以勵官方定民志向上各條並係當行先務其他凡關軍國政事並當磋商妥當逐一上請仍轉飭諸司照遵奉行

權府陪從各員等職掌隨掌府署府參從各員商議當行諸事務并公同與添差官責勘陳鳴各啓其已經六部御史論斷事情可疑而各衙門論有異同者應許重供一二仍照例付監方得計由經呈同下看字方得標字令選駁付其前次官論斷別無他理者一切休駁其未經次勘應照規例送駁不得泛令責勘其添差及隨差各員並係叶隨奉行公務其用心處事具見於起論草藁事跡應審照其人之能否遞年類計經呈掌府署府參從等官參量洞達卽有才猷超卓者議賞以照品第示甄別

添差隨差職掌隨權府陪從官。勘問詞訟其休駁查送並依舊例。如有議事方入機密公店同起稿。凡計議及傳報文書一任起稿。

吏部職掌權衡人物銓叙內外諸職司。其中外郡守縣令選授尤所當謹。當照遵先朝申飭事理。察其言行觀其器識者照科場多少資勞淺深以爲繁簡等第。如外任闕員見二司備呈卽速擇人銓任毋得稽遲。其不由科場及應務日淺而夤緣陳乞直送者許得封駁仍計請加論以懲弊習清仕途其補闕及大除聽照規例自揭曉至納由不過三個月免至稽滯敢有輕率任情奉延作弊與選補非例銓授非才並許臺官糾劾科官繳駁覆官審正各隨事情輕重以貶罰論其他查勘覆鳴吏番諸公及頒賜完給諸事務並照遵條例奉行。

戶部職掌查勘覆鳴戶番諸訟并送發諸事務照遵條例奉行。

禮部職掌查勘覆鳴禮番諸訟并祠祀燕慶科舉印符樂章諸事務照遵條例奉行。

兵部職掌查勘軍人相爭口分及影蔽另率與翻覆兵番諸訟并公同兵番另與給送牌驛諸事照遵條例奉行。

刑部職掌查勘翻覆刑番諸訟并覆讞內外各衙門論斷囚徒其覆視應遵先朝訓敕事理如犯重囚付下覆議合卽公同審讞務以得情爲本當刑則刑當贖則贖其預得贖者許轉納贖錢方得免監並限十日以裡若稽滯逾期與審問不公許刑科糾舉仍隨情輕重以貶罰論這條依陽德三年准定。

工部職掌查勘翻覆工番諸訟并制造頒賜諸事務並照依條例奉行。

御史臺職掌彈劾諸司。言論時事。凡百司違法。時政有闕。並得糾劾條陳。并考論提領府尹鎮守留守承憲等衙門課績。與勘問在京權貴抑胥所該。苛濫諸訟。其翻覆諸訟內經提領府尹外經鎮守留守承憲二司方得勘。務在中理。使獄訟自此而止。這條係陽德三年准定。卽有泛受來鳴者。應從公送駁。其

有收留干案。應罰前次官。歲季備啓轉納。又內自提領外自憲司及府縣諸司。凡當行事務。並在本臺申飭。其當官行狀亦經本臺審照。應令臺官各照上項諸司翻覆摺案間。有憑酌謝被罰。酌罰以及泛受調查者。聽以一案呈至五案爲一期。備啓轉納內各詳注事因。得憑參考。課法論行。又諸道監察御史並保屬隨本臺。其間處事公私用心邪正。並應查勘。及起論草藁已可概見。亦應審照其人之能否。遞年備考遞納。得憑審量。以備差遣。留儲蓄奉行如法者旌獎。違者隨事情輕重論。翰林院職掌。凡諸制表詩歌文翰並奉起稿。與朝堂供奉各賤其如某職未叶。並得具章上聞。東閣職掌。凡諸制表詩歌文翰並奉潤色。與朝堂保舉未叶。並得具章上聞。

國子監如監事祭酒司業等員職掌。奉侍文廟肄習多士。應照前年旨傳。逐月依課習文。以成人才資寔用。

提刑職掌。審聽御史臺勘斷諸訟。并歲季陳言時政。

六寺卿職掌。並係儲蓄之任。惟鴻臚唱名殿試。尙寶印卷會試。其餘無職掌。

十三道監察御史職掌。審聽御史臺勘斷翻覆諸訟。具呈本臺官論斷。并歲季陳言時政。

六科吏戶禮兵刑工等科  
都給事中給事中職掌。舊例繳駁六部。邇來惟吏科覆閱吏部銓除各職。刑部轉送各衙門刷錄。情輕禮科奉頒官曆。工科頒春牛。其戶兵無有職掌。茲許六科各照舊例。勘讞不公。並許繳駁。

吏番職掌奉守屬宮租庸例簿如有經奉增減與除免丁田舊額或由奉旨或由公議並備事因用本番印納在公店責比端的方可改正以防舛謬其奉給本宮各小官田饒夫與勘問詞訟遵例奉行

戶番職掌奉守屬宮租庸例簿如有經奉全上云云以防舛謬其徵收各處巡司應照○年旨傳申飭各巡司衙役一體遵行某縣內園子民並由經被彫殘始奉議入凡取送牌示等例應並各照舊請旨量減以昭寔政其所掌金銀錢米民田等項卽奉旨給賜應商量所用之物所賜之人如係浮泛未便聽得再三陳辨期在中輟並照全年徵收所入與用度所出務先審量計算使國計恆豐經用不匱其餘刪給制祿口分廉祿田土奉給屬宮各小官田饒夫與勘問詞訟及諸事務遵例奉行禮番職掌奉守屬宮租庸例簿如有經奉全上云云以防舛謬其他奉頒祀事賜恤與奉給屬宮小官田饒夫與勘問詞訟及諸事務遵例奉行

兵番職掌奉守屬宮租庸例簿卽有經奉全上云云以防舛謬其藥彈銃口鉦鼓器械凡關用等物項並應審量多少足欠久近堅朽或發賣或煮作或修理並要預先準備又詔汰替老弱拿逃欠並同兵部官照例轉飭各處鎮官依期引解毋得狃舊稽遲及看度項送以足兵額其銃匠機匠與六雄軍所亦應管照仍申嚴放賣條禁并審相地勢頒度場所俾有區別其餘奉給本宮各小官田饒夫與勘問詞訟及諸事務遵例奉行

刑番職掌奉守屬宮租庸例簿卽有經奉全上云云以防舛謬其收贖罰錢應除已經寬免外現在當政干案照例差收歲季通併得若干預開寔肩注內論事因類啓納在公店以憑責併其餘奉給本宮各小官田饒夫與勘問詞訟及諸事務遵例奉行

卷十五 官職誌

廣司職掌之錄

四十

工番職掌奉守屬宮租庸例簿。卽有經奉<sub>全上云云</sub>以防舛謬。其諸官廠官船及車版木具棹朴蓬架欄柱等項應審照年數之久近。本質之堅朽如不堪修理。不堪棹習者。應照例別造各次船隻。各次棹棍。其他凡關工作等物件。並應一一准備。待有修理造作。卽刻立辨務得堅緻。其餘奉給本宮奉行。

內差五府府僚職掌出納命令。務在詳審。凡國政軍機。官方吏治。並係辦白幹旋之力。當公平敏幹。抑暨讒說。如見店計諸事務。應照遵先朝准定限例。期於個月內。待令付出。<sub>這一條參酌正和十五年准定</sub>其事關緊重者。聽卽待令付出。以便守旨奉行。卽有某事公論並叶。而上諭未賜允者。聽隨內意。與廷議再三敷納。期在妥當施行。

提領職掌。凡城內諸地分。並聽巡行糾察禁火防奸。應照年前奉傳事理。轉飭各甸區官。及所在比閭族團一體遵行。其勘問盜刦。應據臨時捕得寔跡者。不得泛受。并淹留勾監。抑使稱出良民。其餘道路橋梁。及諸事務。照遵奉行。違者依課法論。

府尹職掌。彈壓權。勘問本轄翻覆縣官諸訟。并考論課績。與鄉試期考論士人。及諸事遵例奉行。經筵職掌。進講內殿。隨事獻替。并查勘內從各社民鳴訴諸訟。

史官職掌。記載編修之任。凡天子言動。宮中好尚。與官司之邪正。政事之得失。人才之高下。風俗之美惡。無不隨事直書。以垂鑒戒。邇來史館。未有重臣。凡國家所行政事。亦有付下編錄。而舛謬曠闊。

未可公之梨棗茲應照先朝事例擇差監修舊例用尚書官總裁舊例用左右侍郎官與纂修官舊例用承旨寺卿以下有文學照本朝自未有刊布以來搜閱編緝彙以成編務在好惡得公褒貶得寔以爲一代之大典。

中書監如署官職掌擇委監屬官謄寫金箋銀箋制敕及表束各文并官曆扇與諸殿廟祭文。

司禮監職掌用璽用印敕命敕旨及欽頒諸公務並遞御定各本。

司天監職掌推測天度造曆守時等事如見災異符瑞聽各推類備啓。

令史守繼舉知各員掌勘問內隨各社民相鳴諸小節其事關刑律者仍隨當次官勘行不得違例泛受并不得徇他摭取首卑一名著寫爲內隨更役及軍士民人概從拘勘及調取內外各衙門訟案收查論斷以叶事例。

鎮守留守督鎮職掌擒制盜賊撫寧方民勘問盜刦賭博諸訟其勘盜刦訟應據財人登時捕捉得寔賊解納并遞奸賊跡至某處地方方得受勘仍迅速究治論行如有稱出同行盜刦等人止據初辭再察審情理方得勾勘不得淹留勾監抑使稱出良民泛行勾拿其情疑泛告無奸賊跡者不得泛受這條依景治三年准定又見縣官馳告僭僞應作急規料隨事緝拿使奸慝屏息以寧民居若防禦不嚴差撥不勤以違法論這條參酌正和三年准定其本衙門訟案間有某官調查聽以五案爲期轉啓納在公店內注某日告某日調某日付還及訟人相爭情由以憑審查衙門一年內調責不滿五案許歲季類納其無有調責者應酌類并不得擅置非例職名恣爲民擾違者許憲司糾舉隨輕重論這條依陽德三年准定

巡守職掌屬隨本處鎮官巡行控制轄內各縣盜刦小者從公發落大者經呈鎮官不得擅便斷論其發落干案間有某官司調查聽以五案爲一期轉啓納在公店內注某日告某日調某日付還及

訟人相爭事情由以憑審查其不滿五案許歲季類納其無有調責者應酌類并不得泛受戶婚田土諸雜訟以叶規例違者並以貽贓論。

承司職。掌表率轄內府縣州校各衙門遞年呈考論課績間或本衙門闕任卽一个月卽速公同與憲司官備呈史部擇才銓任這條依陽德三年准定其屬內各員其能用心撫字廉幹勤直者應類寔保舉議計旌擢或許仍任或許別旌其係苛刻貪鄙怠廢職事應備寔糾舉卽論貶罷以昭勸懲這條依景治七年准定其諸訟已經州府縣衙門方得受勘務在詳審伸理使獄訟自此而止卽有以泛受來鳴者從公送駁其收留干案應罰前次官仍於論課期詳注所罰事因一體轉納間有某官調查案跡聽以五案爲一期轉啓納在公店內註某日告某日納某日調某日付還及訟人相鳴情由以憑查審其本衙門一年內調查不滿五案者許歲季類納其無有調查者應酌又今四境甫平要先申布教條使洗染還良應參酌舊章頒布這條與當年防範事宜本司申飭轄內州縣官送各社村民聽於元旦祈福社田之日集男女大小再三引誘俾愚夫愚婦童蒙幼穉皆耳濡目染知所避就以正民風其餘當行諸務並照遵條例奉行。

憲司職。掌彈劾本處鎮守承司府縣州校各衙門并同承司考論屬內課績其翻覆鎮官諸訟與本轄所鳴權貴抑脅所該苛濫與所該糾順強事情並得勘問其勘例應據原件顯指權貴姓名與被脅寔事方得受單仍押原件先引得權貴正的方得勾來查勘若指引不寔卽刻駁單不得泛受苟且論駁間有某官司勾調責案跡聽以五案爲一期轉啓納在公店內注某日云云應酌並照本轄各縣間有災異水旱及某社所被別事漂散愁苦等情與屬內各衙門有恣貪墨乖違法禁及鎮守

留守擅置非例職。各與不能禁止奸非者。並得糾彈。遞年應巡行屬內。廉訪得寔。及縣官被呈盜刦。干憑並許至歲季逐一備啓轉納。以憑論行。這條參酌陽德三年准定又有權貴豪氣之家。無有衙門職掌。妄受奸人投告。與偏爲財義妄行請託。偏聽奸人。圖脫有罪。陰謀嫁禍。與直訟人指爲逃避官役。固執季稅官錢。或誣爲從賊。容貯盜刦奸贓。率衆刺殺以沒其迹。又邀截道路。提議原告人監陷。并差人操持器械。到本轄各衙門。時打告人及脫被告犯人等情弊。應卽速謹啓。按律治罪。這條依陽德元年准定并轉送本轄府縣州官一體遵行其諸假差人。無有縣官憑跡。擅到民家肆行擾捉。據縣官提調及備呈拿來究治。以懲姦冗。其餘公同考試。及當行諸事務。並照例奉行。

府官職掌。勘問翻覆州縣官諸訟。其人命訟。應據苦伴親妻子兄弟發告。經呈縣官。及伊總勘驗。方得公同查勘。若無有馳請驗案。與遠族外人鳴告者。不得受勘。其告單正許寫下手。及謀殺的人。不得泛著首謀行凶徒侶名色繁多。及馳請單內無名。始鑿出別名。雷同鳴告者。卽有這等情弊。應抑令削出。不得苟受泛勾。以止頑訟。本衙門訟案間。有某官司調責聽以五案。全上云云應酌類其屬內州縣如有政績者。備陳二司保舉。其貪冗不稱職者。亦許備事糾舉。以備考論課法。其餘事務。並照違例奉行。違者聽承憲二司糾舉。隨輕重論。

縣州官職掌。巡行勞來撫字。勸相應參酌先朝准定條例。係縣內如有潛謀不軌。嘯聚徒黨。許查探得寔。一面馳告鎮守。隨方緝拿。一面備啓遞達。得憑審量差撥。所告得寔者。不次旌擢。若夫覺不告者。與所告不寔。並從重論。及某社有盜刦竊發。告在鎮官。許別寫單憑一張。納在衙門。轉呈憲司官。以備課法。其内外諸衙門除員該牧季稅三十收差徵收租調。鎮守留守拿捉盜刦者。凡有某事到

卷十五 官職誌

庶司職掌之殊

四四

本轄民應出呈付與示帖。仍具以事因寫小單。乞領憑跡二張。一張留在本衙門爲跡。一張許照併承錢及脚刀錢。慎寫詳白。仍用本衙印付差人領去行勾。其無經呈而擅到民家者。並係假差。聽據民來鳴解。捉在憲司官拿來究治。以懲冗弊。其當勘訟案間。有某官司調查干案。并所捉假差。及轉呈在憲司干人。與前項諸差人所領憑跡干張。聽以三月爲一期。一體備啓納在公店。以憑查審。敢有徇情掩匿。自一案一張以上。以貶徒論。其轄內如孝子義婦許洞達旌表。其忤逆不肖遊蕩奸淫者。並許隨方懲戒。以昭廉恥。美風俗。其他當行事務。並照遵例奉行。如法者旌賞。或許留佐。或許轉陞內外。寔任職。這一條參酌景治十三年准定違者。以貶罷徒流論。

一廣德壽昌二縣應照各坊市。每市置市正二員。許本坊擇取員目幹當廉辦者爲之。凡諸官司吏役。如有價買每物。並聽具事票跡印信。內開所買某物。所價千貫。留在本市爲憑。其市正卽照數引納。依期領錢。仍通併某日某月價買某物。其已領得或未領得。與曾被某區店煩擾役使等情弊。並聽被草詳的。每三月納在縣官。卽速轉納公店。以憑查議。敢用情掩匿。並隨事情輕重。以貶罰徒流論。

校官職掌。屬隸本府官考覆生徒肄習學生。其餘事並照遵條例奉行。

小詞職掌。隨五府府僚官上請論斷訟人各案。應據案中所論情理。逐洞達候旨定奪。不得挾私徇情。其有某案奉旨與計內差異。應只付勘官覆查。不得直書某件曲直。亦不得微示內旨。要法司承望改斷。其待令日期。應照遵先朝改定。聽十五日以裡。卽關大訟。論重刑者。卽刻待令付出。不得稽遲推諉。奉遵如法者旌賞。違者隨輕重論。